



Broj: 02-11-1803/25-AP-2
Dana, 25.08.2025.godine

Na osnovu člana 12. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 32. Odluke o izvršavanju Budžeta za 2025. godinu („Službeni glasnik Grada Zavidovići“, broj: 3/25), Gradonačelnica Grada Zavidovića donosi:

K R I T E R I J E
za subvencioniranje troškova prijevoza učenika srednjih škola
koji koriste javni prijevoz na području Grada Zavidovići

Član 1.

Ovim Kriterijima utvrđuju se uslovi, način i postupak odobravanja sredstava u svrhu subvencioniranja troškova prijevoza učenika srednjih škola koji koriste prijevoz na području Grada Zavidovići za školsku 2025./2026.godinu, za period 01.09.2025.-31.05.2026.godine (isplata se ne vrši za vrijeme trajanja zimskog raspusta), sa Tekućeg transfera za subvencioniranje troškova prijevoza učenika srednjih škola i penzionera koji koriste javni prijevoz na području Grada Zavidovići.

Član 2.

Sredstva iz člana 1. se koriste kao subvencija troškova kupovine mjesečnih karata učenicima koji ispunjavaju uslove za subvenciju prema ovim Kriterijima.

Subvencioniranje će se vršiti odobravanjem cjelokupnog ili dijela iznosa cijene mjesečne karte za sve učenike, koji ispunjavaju uslove, u njegovo ime, na račun učenika ili roditelja učenika, po pripadajućem procentu subvencije u odnosu na cijenu karte prema važećim cjenovniku.

Član 3.

Subvenciju za troškove prijevoza radi pohađanja redovne nastave, mogu ostvariti učenici koji od najbližeg autobusnog stajališta u mjestu prebivališta do glavne autobuske stanice Zavidovići putuju tri i više kilometra ako su:

- Redovni učenici koji ne ponavljaju razred,
- Pohađaju redovnu nastavu u srednjim školama na području Grada Zavidovići,
- Imaju prebivalište na području Grada Zavidovići.

Ako planirana sredstva u Budžetu, za ovu namjenu, nisu dovoljna za odobravanje cjelokupnog iznosa subvencije svim učenicima koji koriste prijevoz, posebnom Odlukom Gradonačelnice utvrđivat će se procentualni iznos subvencije.

Član 4.

Procentualni iznos subvencije u odnosu na ukupnu cijenu mjesečne karte zasebno se utvrđuje za:

- Učenike čiji su roditelji korisnici ratne i neratne invalidnine i za učenike bez roditeljskog staranja,
- Ostale učenike koji ispunjavaju uslove za subvencioniranje troškova prijevoza iz člana 3. ovih Kriterija.

Član 5.

Po izdavanju mjesečne karte učenik kopiju iste uz original dostavlja na uvid i evidentiranje u nadležnu Službu, najkasnije do 25.og u mjesecu u kojem je kupljena mjesečna karta kako bi mogao ostvariti pravo na subvenciju za taj mjesec.

Pravo na subvenciju se ne može ostvariti retroaktivno na ime propuštenih mjeseci.

Javni poziv traje do kraja školske godine 2025./26. godine a pravo na subvenciju teče od mjeseca u kojem je podnešena prijava na Javni poziv za subvenciju troškova prijevoza.

Član 6.






Visina subvencije se utvrđuje na nivou polugodišta ili za kraći period, utvrđivanjem iznosa subvencije cijene mjesečne karte po učeniku posebnom Odlukom Gradonačelnice.

Isplata sredstava subvencije će se odobravati Zaključkom Gradonačelnice ili rukovodioca Službe na osnovu posebnog rješenja o ovlaštenju, a isplata odobrenih sredstava vršit će se na bankovni račun roditelja ili učenika.

Član 7.

Kriteriji stupaju na snagu danom donošenja, a primjenjivat će se za školsku 2025./2026. godinu.

GRADONAČELNICA
mr. iur. Ema Merdić Smailhodžić

Akt pripremila: 
Selma Džaferović, dipl.politolog
Akt pregledala: 
Asima Merdanović, dipl.žurnalista
Akt pregledao: 
Idriz Alihodžić, prof.
Akt revidirao: 
Sunija Ramir, dipl.ecc
Akt pregledao: 
Nermin Čahtarević, dipl.pravnik